

## Sexta Urbs

## M V N G H O A.

**A**dificavit hanc urbem Mung Rex Sianulo, eamque Mungre vocavit; Hana familia eam regioni Yecheu adscriptis; Juena quod habet, dedit nomen. duas tantum sub se continet civitates: 1 Munghoa, 2 Linglung. maxima ibi muschi copia est, ac nusquam alibi major illius, quam in hac provincia proventus.

Montes.

Gueipao mons est ad urbis Notapeliotem, omnium in hac regione altissimus. Funghoang mons Notolybicu[m] versus jacet, nomen à Sinico phoenice habet, quem in hoc monte defunctum vita, cum aliquamdiu suavissime cecinisset, referunt: ille rurum omnino ac singulare est, si modo verum, ajunt quotannis sub finem autumni aves omnes vicinas congregari in hoc loco, ac mortem phoenicis veluti plangere, incolae illos dies observant, noctuque accenso igne montem descendunt, ubi innumeritas easque præstantissimas aves capiunt.

Tienul mons ad Boream urbis, cœli auris dicitur, quia in eo tam subtilis ac delicate echo est, ut quantumvis licet summissa loquaris voce, ictum ac repercussionem audias.

## Septima Urbs

## K I N G T V N G.

**I**ntra altissimos ac densos montes, sola sui juris jacet haec civitas: cuius incolae tardissime omnino Sinicas litteras admiserunt, & multi adhuc potius Mien regni scribendi modum adhibent, qui non differt ab illo, quo Begalenses utuntur, Indique mercatores. Urbis hujus prima fundamenta posuit Nanchao, Mung regni Rex, vocavitque Infeng, hoc est argentum nescens, quia fodinas argenti non paucas vicinum habebat territorium. Juena familia Cainan dixit, at Taiminga dilatato pomero, urbem moenibus octo stadiorum circumdedit. Tota regio feracissima imprimis est oryzæ, ad urbis autem occidentalem partem supra vallem profundissimam pons est, qualem jam supra adnotavi, ex meris ferreis constans catenis: catenæ ejusmodi viginti sunt, duodecim perticarum longitudine singulæ; cum plures simul transeunt, titubat, ac movetur pons non absque transeuntium, ob subjecta præ-

Pons ex  
catenis  
ferreis.

cipitia, horrore: hunc pontem Mingus Hanæ familiæ Imperator condidit, circa annum à Christo nato quintum supra sexagesimum.

Munglo mons altissimus trecenta, eaque Montes. plura occupat stadia, ad Borealem urbis partem est. ibidem est Pingta mons, in quo castrum ad custodiam.

## Octava Urbs

## Q V A N G N A N.

**H**æc urbs à Sinico etiam imperio avulsa Tungking regno paret, cum subiecta alia civitate, nimirum Fu o, cuius urbis regionem à Sinico Imperatore subiectis terris magni atque alti separant montes, ipsa tamen planissima est, nullaque illius pars inculta jacet, undique colonis ac cultoribus frequens: demum ob præstantiam *incolæ* ac feracitatem aurea vulgo terra diæta, incolæ tamen, ut Sinæ quidem scribunt, barbari sunt; facile sese mutuo occidunt; viri ac foeminae nudipedes ambulant, curta veste, sparsis capillis incedunt; insectæ omnia etiam vermes, serpentes, ac mures vorant, ac pro cibis adhibent.

Lienhoa mons ad ortum urbis, quia repandi floris figuram habet, Lienhoa, five Lien flos dicitur.

Prope Fu civitatem est Yocyuen mons, à pretioso fonte, qui in ejus vertice emicat, dictus, Yocyuen enim pretiosum fontem significat. Torrens seu potius rivulus Nanmo prope Fu civitatem est, cuius aqua semper calida fluit, pro balneis optimæ censetur, multisque morbis mederi creditur.

## Nona Urbs

## Q V A N G S I.

**H**æc etiam urbs cum subdito sibi territorio Tungking Regi paret, quatuorque præst civitatibus: 1 Quangsi, 2 Suçung o, 3 Mile o, 4 Vimao o. Olim Tien regni fuit, sub Hana familia Yecheu regionis pars, & Ciangho hic terræ tractus dictus; sub Tanga familia Kimi, hodiernum nomen ab Juena obtinet familia.

Ad Borealem urbis partem moenibus vicinus est mons Faco: & intra ipsa moenia mons Chunfien, in quo urbis erat Gymnasium. Siaolung mons ambit Mile civitatem.

Decima